



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<22>> սեպտեմբեր 2021թ.

Ո Ր Ո Շ ՈՒ Մ No. 2581-Ղ

ՖԻԶԻԿԱԿԱՆ ԱՆՁԻ ԿՈՂՄԻՑ ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, քննարկելով ֆիզիկական անձ Արտակ Խաչիկի Բարեղամյանի վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից 05.08.2021թ. կազմված թիվ 31922/2021/ԿՈՒՎ4/Ա արձանագրության (արձանագրությունը կցվում է)՝ ֆիզիկական անձ Արտակ Խաչիկի Բարեղամյանի (ՀՎՀՀ՝ 27910534, ՀԾՀ՝ 3109550539, հասցե՝ ք. Երևան, Շինարարների փ. 35 59) չկատարված հարկային պարտավորությունը 05.08.2021թ. դրությամբ կազմել է 679.469 դրամ, որից հարկ՝ 266.720 դրամ, տույժ՝ 146.029 դրամ, տուգանք՝ 266.720 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, չկատարված հարկային պարտավորությունը գանձելու վերաբերյալ վարչական ակտ ընդունելու նպատակով 09.09.2021թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն չի ներկայացրել վարույթի նյութերին ծանոթանալու համար և որևէ բացատրություն չի տվել:

Համաձայն ՀՀ ոստիկանության «Ճանապարհային ոստիկանություն» ծառայության կողմից ստացված տեղեկությունների՝ ֆիզիկական անձ Արտակ Խաչիկի Բարեղամյանի կողմից 2014թ. ընթացքում 2 անգամ իրականացվել է սեփականություն հանդիսացող նույն տեսակի գույքի (ավտոմեքենա) օտարման գործարք:

Համաձայն իրավահարաբերության ծագման պահին գործող <<Ավելացված արժեքի հարկի մասին>> ՀՀ օրենքի 6-րդ հոդվածի 1-ին կետի բ ենթակետի՝ 02.08.2014թ. գույքի օտարման գործարքը համարվում է ապրանքի մատակարարման գործարք և ենթակա է ավելացված արժեքի հարկով հարկման՝ <<Ավելացված արժեքի հարկի մասին>> ՀՀ օրենքի 3.1-րդ հոդվածի համաձայն:

ՀՀ կառավարության 19.02.2009թ. թիվ 199-Ն որոշման համաձայն՝ ավելացված արժեքի հարկի հաշվարկը ներկայացվում է, ինչպես նաև հարկի գումարները վճարվում են ՀՀ պետական բյուջե մինչև գործարքի իրականացման եռամսյակին հաջորդող ամսվա 20-ը ներառյալ:

Ֆիզիկական անձ Արտակ Խաչիկի Բարեղամյանի կողմից ավելացված արժեքի հարկի 2014թ. 3-րդ եռամսյակի հաշվարկը չի ներկայացվել և չի վճարվել ավելացված արժեքի հարկի գծով պարտավորությունը:

Արդյունքում սույն որոշմամբ գանձման ենթակա օրենքով սահմանված ժամկետում չկատարված պարտավորությունը կազմում է 679.469 դրամ, որից հարկ՝ 266.720 դրամ, որը հաշվարկվել է <<Ավելացված արժեքի հարկի մասին>> ՀՀ օրենքի 9-րդ հոդվածի համաձայն, տույժ՝ 146.029 դրամ, որը հաշվարկվել է <<Հարկերի մասին>> ՀՀ օրենքի 23-րդ հոդվածի համաձայն, տուգանք՝ 266.720 դրամ, որը հաշվարկվել է <<Հարկերի մասին>> ՀՀ օրենքի 24-րդ հոդվածի համաձայն:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասին 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

հողվածի 6-րդ մասով, և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 59, 88 հոդվածներով,

Ո Ր Ո Շ Ե Ց Ի

1. ֆիզիկական անձ Արտակ Խաչիկի Բարեղամյանից գանձել 679.469 դրամ պարտավորության գումար համաձայն ստորև ներկայացված աղյուսյակի՝

05.08.2021թ. դրությամբ չկատարված հարկային պարտավորությունները գանձելու վերաբերյալ

Չափման միավորը՝ դրամ

Հ/Հ	Հարկի և այլ պարտադիր վճարի տեսակը	Հաշվարկված հարկ/վճար		Հաշվարկված տույժ	Հաշվարկված տուգանք	Ընդամենը	Վճարման ուղղությունը	Հաշվի համարը
		առաջացման ամսաթիվ	գումար					
1	2	3	4	5	6	7= 4+5+6	8	9
1	Ավելացված արժեքի հարկ	20.10.2014	266.720	146.029	266.720	679.469	պետական բյուջե	900008000490

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

(Ստորագրություն)



ԱՄՆԱՑԱԿԱՆՅԱՆ

ԾԱՆՈԹՈՒԹՅՈՒՆ՝

Հարկ վճարողի չկատարված պարտավորությունների գանձման վերաբերյալ հարկային մարմնում առկա մեկից ավելի վարույթների շրջանակներում ընդունված և ուժի մեջ մտնող որոշումներով գանձման ենթակա ընդհանուր պարտավորությունը 1.500.000 ՀՀ դրամ գումարը գերազանցելու դեպքում, որոշումներն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Կատարող՝
Իրավաբանական վարչության հարկադիր գանձման և
պարտավորությունների կատարման ապահովման բաժին
Լուսինե Զաղացպալյան
հեռ.՝ 011-549-191 (9168)



**ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ**

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am

ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ՎԵՐԱԲԵՐՑԱԼ

Ատորն կատարվում է հարկային պարտավորությունների հաշվարկ՝ հիմք ընդունելով ՀՀ Ոստիկանության «Ճանապարհային ոստիկանություն» ծառայության կողմից ստացված տեղեկությունները, այսպես.

ՀՀ Ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ Ֆիզիկական անձ՝ Արտակ Խաչիկի Բարեղամյանի կողմից (հաշվառման հասցե՝ Երևան, Աջափնյակ, Շինարարների փ. 35 շ., 59, անձ. AH0659090, ՀՎՀՀ՝ 27910534) օտարվել են սեփականության իրավունքով իրեն պատկանող հետևյալ տրանսպորտային միջոցները.

1. 18.04.2014 թվականին օտարվել է 23.09.2008 թվականին ձեռք բերված MITSUBISHI PAJERO 3.0 L մոդելի 2007 թվականի արտադրության տրանսպորտային միջոցը, որի պայմանագրային արժեքը կազմել է 5,500,000 ՀՀ դրամ,

2. 02.08.2014 թվականին օտարվել է 14.01.2014 թվականին ձեռք բերված JAGUAR S-TYPE V6 3.0 մոդելի 2003 թվականի արտադրության տրանսպորտային միջոցը, որի պայմանագրային արժեքը կազմել է 1,600,000 ՀՀ դրամ:

«Ավելացված արժեքի հարկի մասին» ՀՀ օրենքի 6-րդ հոդվածի 1-ին կետի «բ» ենթակետի համաձայն անհատ ձեռնակատեր չհանդիսացող ֆիզիկական անձի կողմից իրականացված գործարքները համարվում են ապրանքի մատակարարում հետևյալ դեպքերում՝ մեկ օրացույցային տարվա ընթացքում երկու և ավելի թվով անգամ անձի սեփականությունը կամ ընդհանուր սեփականությունը հանդիսացող նույն տեսակի հետևյալ գույքի՝ բնակարանի, առանձնատան (այդ թվում՝ անավարտ (կիսակառույց)), անձնական օգտագործման ավտոմեքենայի, գյուղատնտեսական նշանակության և բնակավայրերի հողերի, ավտատնակի՝ որևէ ձևով կատարվող հատուցման դիմաց օտարման դեպքում ապրանքի մատակարարում է համարվում այդ ժամանակահատվածում երկրորդ և ավելի թվով նույն տեսակի գույքի օտարումը, եթե օտարումը կատարվում է տվյալ գույքի ձեռքբերմանը հաջորդող մեկ տարին չգերազանցող ժամանակահատվածում և ԱԱՀ-ի մասին ՀՀ օրենքի 3.1 հոդվածի համաձայն ֆիզիկական անձը ԱԱՀ-ով հարկվող գործարքներ իրականացնելու դեպքում համարվում է ԱԱՀ վճարման պարտավորություն կրող:

ՀՀ կառավարության 19.02.2009թ. թիվ 199-Ն որոշման համաձայն՝ ԱԱՀ-ի հաշվարկը ներկայացվում է. ինչպես նաև գումարները վճարվում են ՀՀ պետական բյուջե մինչև գործարքի իրականացման եռամսյակին հաջորդող ամսվա 20-ը ներառյալ: Ֆիզիկական անձի կողմից տվյալ եռամսյակի ԱԱՀ հաշվարկները չեն ներկայացվել և ՀՀ պետական բյուջե վճարումներ չեն կատարվել:

Ավելացված արժեքի հարկի հաշվարկ չներկայացնելու և վճարումները չկատարելու պայմաններում հարկային պարտավորությունների հաշվարկը կատարվում է հետևյալ կերպ.

«Ավելացված արժեքի հարկի մասին» ՀՀ օրենքի 9-րդ հոդվածի համաձայն JAGUAR S-TYPE V6 3.0 մոդելի 2003 թվականի արտադրության տրանսպորտային միջոցի օտարման գործարքից հաշվարկվում է ԱԱՀ 16.67 տոկոս հաշվարկային դրույքաչափով՝ 266,720 ՀՀ դրամ ($1,600,000 \times 16.67\%$):

«Հարկերի մասին» ՀՀ օրենքի 23-րդ հոդվածի համաձայն՝ հարկի վճարումը սահմանված ժամկետներից ուշացնելու դեպքում յուրաքանչյուր օրվա համար հարկ վճարողը (հարկային օրենսդրությամբ սահմանված դեպքերում՝ հարկային գործակալը) վճարում է տույժ՝ ժամանակին չմուծված հարկի գումարի 0.15 տոկոսի չափով՝ 146,029 ՀՀ դրամի չափով ($266,720 \times 0.15\% \times 365$ օր):


Նույն օրենքի 24-րդ հոդվածի համաձայն՝ հարկ վճարողների (հարկային գործակալների) կողմից հարկային մարմին կամ տեղական ինքնակառավարման մարմին ներկայացվող հաշվարկը (հայտարարագիրը, հաշվետվությունը) հարկային օրենսդրությամբ սահմանված ժամկետից ուշ ներկայացվելու կամ չներկայացվելու դեպքում այդ ժամկետին հաջորդող յուրաքանչյուր 15 լրացած օրվա համար հարկ վճարողից (հարկային գործակալից) գանձվում է տուգանք՝ (նաև ստուգման ակտով) հաշվարկված հարկի ընդհանուր գումարի 5 տոկոսի չափով՝ 266,720 ՀՀ դրամի չափով ($266,720 \times 5\% \times 20$):

Հարկման բազա	Ավելացված արժեքի գումար	«Հարկերի մասին» ՀՀ օրենքի 23 հոդված	«Հարկերի մասին» ՀՀ օրենքի 24 հոդված
1,600,000	266,720	146,029	266,720

Այսպիսով 05.08.2021թ.-ի դրությամբ ավելացված արժեքի հարկի գծով ենթակա է վճարման 679,469 ՀՀ դրամ գումար, որից հարկ՝ 266,720 ՀՀ դրամ, տույժ՝ 146,029 ՀՀ դրամ, տուգանք՝ 266,720 ՀՀ դրամ:


Միաժամանակ տեղեկացվում է, որ հարկային պարտավորությունները հաշվարկվել են 05.08.2021թ. դրությամբ և ենթակա է վերահաշվարկման լրացուցիչ նյութերի ու փաստաթղթերի առկայության և ներկայացման դեպքում:

ՊԵՆ հարկային տեղեկատվության և ռիսկերի վերլուծության վարչության կամերալ ուսումնասիրությունների և վերլուծության թիվ 4 բաժնի պետ



Լ. Զիլավյան

ՊԵՆ հարկային տեղեկատվության և ռիսկերի վերլուծության վարչության կամերալ ուսումնասիրությունների և վերլուծության թիվ 4 բաժնի գլխավոր հ/տ



Հ. Ավետիսյան

Տեղեկանքի կազմման ամսաթիվը՝ 05.08.2021թ.